

CHINESE-JAPANESE LIBRARY  
HARVARD-YENCHING INSTITUTE  
AT HARVARD UNIVERSITY

MAY 11 1951

03

ET9117 /1142 (3)

渡邊家文庫			
漢書	集類	四七七〇號	二四冊
函	架		

帶經堂集卷十一

歙門人程哲校編

新城王士禛貽上

漁洋詩十一

辛丑稿

揚子江上懷友鴻滇南

宿雨初晴楊柳津南徐風日競鮮新五州霽色浮  
揚子六管蠻煙憶故人江過盤龍誰設險山迴金  
馬舊多神虛疑博望乘槎去目斷昆明又幾春

登瓜洲大觀樓見月懷西樵

帆影落瓜洲高城四望秋迴颼聞玉笛涼月滿江  
樓清切三山影流光萬里愁有懷謝希逸江左思



渡邊千春遺愛書

悠悠

舟次懷爾成從兄蜀中二首

江下岷峩雪浪平秣陵西望旅魂驚  
離心已畏瞿塘險更去牂牁萬里程

憶共吟詩西射堂青天蜀道兩茫茫  
廣陵未遠巴

江水朝夕春潮到蜀岡

蜀岡在揚州西北誌云水與蜀通故名

題雪舫

畫檻文牕窈窕成浮家泛宅去來輕  
行隨江樹陰涼遍坐覺炎天冰雪生  
鷓鴣鳧鷖遙共浴蘅芳蘭杜解相迎  
老當置汝金焦裏醉喚南宮倒載行

遙望玉山寺二首

遙望玉山寺帆檣如芒捰南風有底急  
朝暮使潮生

遙望玉山寺石壁峭千尋客帆衝險過  
鳥影入江深

寄鄧尉剖石道人

最難忘處還元閣坐卧層巒疊嶂圍  
修竹萬竿陰講席梅花千片點僧衣  
洞庭煙雨春如夢笠澤漁蓑晚竟違  
終作都維邨弟子一瓢一鉢遠峰歸

憶虎丘鶴澗

清遠道士養鶴處人去亭空鶴不飛千古清冷一  
勺水至今猶浸白蓮磯昔遊曾記仙靈語奇絕白  
雲翁欲歸

白雲翁欲歸青松忽  
消半清遠道士詩也

### 答繼起道人寄虎丘志

吾家短簿東西宅今是生公祇樹林頑石解通三  
昧義維那照徹九州心春波鶴澗曾相憶暮雨琴  
臺渺未尋方外勞君寄消息青鞵東望旅情深

### 答李民部鄧尉見懷二首

盤螭山下春帆凍千樹梅花雨雪時君到題名師  
子窟却從江北寄相思

楓橋夜雨催船鼓玄墓春風著地花別後夢魂常  
繫此吳雲楚樹渺天涯

### 和家兄無題詩

底事關心不自持閒情終日遣相思屏張璫瑁橫  
波後鏡挂珊瑚絢額時錦水文魚名比目衛羅靈  
鳳號長離與卿一作盤塘別明月青谿有夢知

### 送孔祠部出守金華

別君春水上孤櫂去東陽五月雙谿路雲山入越  
長相思隔南北清咏憶齊梁玄暢樓中客新題好  
寄將

送丘曙戒侍講謫判瓊州兼寄姚子上推官

二首

學士文章洛下尊，嶺南此別愴離魂。舟浮瓊海千重浪，春到黎人第幾村。瑋瑋城中閒卧閣，枕柳菴畔急啼猿。相逢寄語江陵子，放跡珠厓是主恩。

雪中送我廣陵城，東閣梅花彩筆生。何意西清還罷直，正逢南粵乍銷兵。珠娘櫂裏蠻歌細，黎母香中瘴雨晴。海外山川遙待汝，千秋文筆兩端明。

子來

揚州曙戒作東閣梅花行贈別

家兄恭奉

世祖章皇帝尊謚，詔使山西寄懷一首

世祖神靈遠，春官謚議崇。天書下霄漢，使節入雲中。詩記唐風古，山看代郡雄。諸侯處負弩，父老哭遺弓。絳水河津塞，青城避暑宮。塞帷過趙魏，作賦倚崆峒。成禮汾陽郭，還原岱嶽東。舞衣萊子舊，懷橘陸生同。東閣梅花先，落西堂草正。叢錦湖足鱸膾，隋苑湛江楓。北望三千里，離心託雁鴻。

送榮洞門奉 詔福建

親捧天書近御墀，皇華遙下百蠻知。舟經越水多文石，人及楓亭薦荔支。漳浦戈船方下瀨，閩天風

物好探奇輶車若問丹青閣九曲還應到武夷

送家兄子側歸里同舟至淮陰即次有作六

首

菰蒲獵獵水悠悠溪閣迴橋覆亂流風物滿前吟  
不得淮南江北送歸舟

帆影已辭瓜步樹人家漸近甌湖煙別來好記聞  
鶯地八寶城西是白田

前程畏說近淮陰無那風帆去不禁今夜柁樓聞  
玉笛清淮真與淚痕深

共賦寒山寺裏詩故園兄弟軫離思那堪握手淮

陰驛却憶寒山夜雨時

曾攜雙屐問三山潑墨江樓落照間拂袖却愁東  
路遠蟬聲孤驛穆陵關

回首殘春白下行江村桃柳作清明歸來獨聽鑾  
江雨一夜愁絲兩鬢生

清江浦與子側別後作三首

弭櫂指江浦北見黃河流黃河去蒼茫落日風颼  
颼一望腸百結况君遠行游驪駒宛已駕榜人具  
行舟此去量難挽且頭須臾留寸心千萬端欲語  
中若抽攬衣一再拜涕下不可收隕涕復相送遵

渚暫夷猶光景不我待崦嵫倏已邁忍淚竟揮手  
佇立望遙洲仰視中林鳥哀鳴聲相求與君本一  
身形影為匹儔少小同寢食彈指三十秋兄年三十  
予亦二十  
矣有八豈知更世故中各悲沉浮君去指錦湖我歸返  
揚州音旨日已遙川涂日已修昨者韓侯臺傷離  
共寒篝今日如夢寐得似昨日不我心與清川終  
古同悠悠弟兄譬手足人命如蜉蝣何為苦別離  
悵矣行歸休

黃河東北岸是向鍾吾道鍾吾何茫茫連天盡衰  
草念君舍我去展轉傷懷抱落日野煙昏古戍荒

雞早知君念我心晨夕常繚紉回首楚天長悠悠  
託飛鳥憶我嬰危疾沈憂怒如擣喜君千里來相  
思乍傾倒愁病霍然已復得顏色好聚首歷冬春  
對牀浹昏曉麟洞共題名虎丘展游眺為歡不及  
歲往迹去如埽君歸慰慈親北堂稱壽考我獨滯  
江淮形容日枯槁人生重兄弟友于以為寶三復  
鵲鶴詩車輪腹中遶別離如茹荼仕宦真集蓼何  
如學耦耕貧居以終老

使從河北來得君別後書封題淚痕滿腸斷當何  
如書中三百字字字心盤紆祝我加餐飯念我多



三五卅  
病軀寄我河梁詩未讀先歛歔首尾數百言言盡  
思有餘反覆一唱歎灑血霑衣裾氣結不得語思  
鬱不能舒古人亦有言同心而離居憂傷以終老  
疾疾何由除

茱萸灣懷家兄

雨歇茱萸灣返照村墟夕淮水去悠悠何處還山  
客

許雙峒重建太白樓於采石遙寄

常懷牛渚西江夜回首開元去不留天上已歸宮  
錦客人間何處謫仙樓使君登眺能懷古江閣風

煙迴散愁遙憶蛾眉亭上月何時鯨背醉高秋

竹枝二首

朝從明鏡拂菱花暮向平湖指落霞十扇畫船如  
屋裏金釵澗上是儂家

浮家紅杜泛江蘼金屋藏嬌總未知生近石帆山  
下住十三嫁與弄潮兒

沈家渡晚泊憶子側已至宿遷

忽見長川新月明泊舟又近海陵城行人今夜鍾  
吾驛愁聽黃河萬里聲

寄嚴州

秋水初波枕畔流欲將情思寄嚴州京江斷鴈隨  
人遠杜曲濃花入夢愁夜雨回眸留傳粉清晨中  
酒看梳頭富春此去千餘里何處天邊風露樓

登舟

十里雲霞色城隅晚放船江城明落照漁浦颯風  
烟玉鏡遙相映金沙劇可憐數行隋苑柳蕭瑟入  
秋天

初秋舟中作

官舫垂簾雜夕薰自將吟卷對鷗羣年來喜有樵  
青侶不用旁人識使君

宜陵

寥落青蕪晚進船明霞起處水生煙斷雲斜日宜  
陵道一路臨風聽暮蟬

排悶

學劍學書都未成行年三十一狂傖孤篷聽雨江  
南岸駿馬追風代北城文社酒徒曾浪迹山村水  
寺徧題名前身憶是維摩詰洗鉢還應過此生

夜別彤臣却寄

白沙江上獨揚舸風物依稀入杳冥十里銀河連  
積水三更螢火亂繁星清樽牢落愁中沉錦瑟淒

迷別後聽憶爾中朝舊驄馬相思好記竹西亭

懷洞門入閩

七夕涼風吹客顏仙霞嶺外度重關桂花欲黃榕  
葉碧思君夢遶江郎山

舟次二首

鳴蟬出深樹飛鷗向前浦何處插秧人柳陰來擊  
鼓

船牕不見日演漾出菰蒲歸牛脫羈鞅時過烟中  
墟

新城舟中

風色汀蘭靡川涂遠樹晴陂塘非一曲水竹亦交  
縈淅淅樵風起蕭蕭水鶴鳴煙浮葭菼密日入石  
潭清芳序過休夏滄浪愛濯纓蕭晨辭板渚斜景  
辨江城山近迎鑿碧潮連建業生賞心肆遐矚攬  
物悅幽情眺聽臨秋迴雲帆拂鏡平朱陽三百里  
好爲訪茅盈

梁家灣即事二首

白舫青簾聽櫂歌真州斜日暮蟬多幽人拂簟攤  
詩卷童子臨流折芰荷宛轉迴塘浮畫舸檀欒修  
竹映蒼波過江山色佳如此曾記清秋到薜蘿

日下林塘夕氣清  
霏霏煙照遠村明  
落帆幾點連鴉色  
漁網千羣亂櫂聲  
赤岸揚舠如昨日  
青山卜宅負平生  
山人少日能吳咏  
且櫂扁舟載酒行

真州道中絕句二首

返照在船頭  
新月出船尾  
玉沙何粼粼  
清暉滿葭葦

河漢有風露  
夜涼川上秋  
幽人攬明月  
一櫂下清流

真州城南作

真州城南天下稀  
人家終日在清暉  
長橋漁浦晚

潮落曲港叢祠水  
鶴飛新月初黃映  
江出遠山一碧送  
船歸白沙洲上樓  
臺靜好與提壺坐  
翠微

真州南郭泛舟

出郭江山好  
行吟步屨斜  
稻苗香積水  
竹葉隱漁家  
遙見江南樹  
時逢洞口花  
挈舟新月上  
直至長風沙

坐容園山洞青若因言義興張公洞之勝

壘石依江郭  
修篁五月涼  
盤迴入靈洞  
窈窕度飛梁  
空響沙湍集  
微颺石燕翔  
因思離墨勝  
遙指善卷鄉  
地肺通幽闥  
仙蹤叩渺茫  
何時具區上  
及爾

三十三  
見銀房

題二冒子詩卷兼寄辟疆四首

桃葉山前秋復春金陵往事已成塵當年廚顧東  
京客零落如君有幾人

林塘自闢小三吾聲叟風流得似無歷歷酒徒坐  
洲島便教題作石魚湖

扁舟萬里獨探奇南紀浮湘到九疑丘壑胸中君

自有柳州文筆謝公詩

辟疆刻康樂游山詩柳  
州永柳小記皆自評注

伯子才華庾鮑同中郎獨步擅江東開來尺許新  
吟卷要使狂奴拜下風

秋夜舟中和吳四玉隨四首

林塘三日清言罷忽共牽舟東渡頭半醉題詩向

明月微波風露入新秋

鳴壚斜日森碧篠人影參差曲澗頭頃刻疾書兩

丸墨山蟬墮樹數聲秋

翰林兄弟皆名士南隱山連北隱頭及第紅綾分

餅日閉門黃葉著書秋

鏡籬亭子好明月近在白沙江上頭有約城南竟

相負方山羅綺不禁秋

為辟疆書事同玉隨四首

公子游龍賦名家射雉場秦樓人自媚隋苑草新  
芳暮雨方離合微波竟渺茫謝郎無限恨簫鼓嫁  
文鴛

但得人如月寧論餅計金可憐分鈿合元不解琴  
心烏鰂書難定黃龍誓莫尋秋來螢苑裏愁絕女

郎砧

秦淮河上水遙向莫愁湖密意雙針縷新歡十斛  
珠神人虛解珮絕代失當壚便作人間恨羅敷自  
有夫

不返空成憶無雙始繫情香奩零粉在錦瑟暗塵

生水綠江潭苑花飛白下城哀蟬將落葉此怨幾

時平

此首專為  
董少君也

七夕二首

吾家王子好吹笙七日緱山來下迎仙路已昇白  
鶴馭人間長憶鳳凰鳴却思嵩嶽無消息欲把浮  
丘隔太清明日江頭看句曲好尋丹竈謝浮名  
十里銀河乞巧樓揚州風露碧雲秋家家少婦明  
星酒紈扇驚心向女牛

真州即事

夕陽沉沉水增綠萍花柳花相斷續十尺長橋八

幅舟人家何似青谿曲

大觀樓新成二首

如練江光照素秋層城縹緲見飛樓披襟欲攬三  
山色濯足真臨萬里流帆出雲中開島嶼人從鶴  
背俯滄洲冷然竟日能忘返蠟屐何妨續勝游  
白蘋洲上望南徐高閣如霞切太虛江左名流能  
坐嘯玉京仙子好樓居吳王城郭秋風裏楚塞帆  
檣落日餘更向夜涼彈寶瑟三山空翠滿衣裾

再答胡端孩長沙書

嶺表音書闊湘江驛使稀春風斑竹長暮雨鷓鴣

飛地溼官仍拙時清願豈違那能衝瘴癘十月夜

郎歸

時歸自黔中

閏七夕海陵北郭有懷家兄二首

臨秋水增綠向夕景微涼卷幔層城外停橈嘉樹  
芻坐深魚鳥興行惜蕙蘭芳太息鳴蜩晚能令楚  
客傷

流螢尚深照靈鵲復重過雲水懷人遠江山秋思  
多涼宵墜華月幽怨向明河遙憶橫汾曲西風揚

素波

時奉使山右

秋日昭陽道中二首

二多七十  
漁洋詩卷十一  
三  
荷葉未殘皆著水  
楓林初脫尚含煙  
西風北去昭陽路  
處處竹枝聲可憐  
中流曉日見帆影  
夾岸垂楊多釣磯  
一路漁村好風景  
神鴉欲落白鷗飛

南曹橋

十日湖頭賣蓮子  
不知菡萏尚能花  
南曹橋畔田田路  
舟入香風一道斜

昭陽舟中讀閨秀徐幼芬遺詩因寄李季子

二首

昭陽北望景依依  
江柳微黃燕鴈飛  
空憶謝家才

調美青絲曾解小郎圍

自來學得謝公碁  
博士風流幼婦詞  
未免有情看

不得橋南荀令斷腸詩

幼芬七歲能與父弈

題李氏曼園水亭二首

君家亭榭好漁浦  
在亭中朝夕登臨意  
邈然江海同當杯  
上明月送客起樵風  
疑有秦人在言從世  
外逢

苔蘚山邊路玲瓏  
巖洞深朱華低冒水  
碧竹散成林香積梅  
檀氣溪流鐘磬音維  
摩猶示疾方丈一

披襟

園有苔蘚山



二五字六  
百花洲上拜宗方城祠二首

懷古城南路輕舸溯碧流典刑一茅屋風物百花洲  
野渡神鴉集西風苦竹愁斯人如旦暮三歎獨淹留

跌蕩黃初彥名高著作庭風塵多怨慕江海颯飄零  
大筆留淮海仙蹤寄幔亭斯文吾後死惆悵下煙汀

九日懷西樵先生

西風使節渡河汾故國鴻書杳未聞瓜步素波初  
嫋嫋蕪城黃葉已紛紛東籬花發空殘照北固樓

高祇暮雲今日隋堤見楊柳弟兄不見感離羣

九日風雨往淮陰舟中懷珍示不雕我建元

式正求醑若歸吳中二首

泥滑天陰廿四橋一帆送汝過金焦維摩樓畔飛  
寒鴈伍相江頭落暮潮別路茱萸灣漠漠打船楓  
葉雨瀟瀟劇憐佳日翻成別臨水登山思轉遙  
滿庭黃菊雨初寒送遠悲秋強盡歡祖道莫辭吳  
苑酒江流遙挂楚雲端雞臺花冷人離別鶴市煙  
深路渺漫此去南徐經北顧宋公遊處更南看

舟中桂花盛開感賦

去秋鎖院秦淮裏桂子香飄月如水  
今秋船泊楚江涯開徧船牕金桂花  
秋去秋來渺何許歲歲年年滯江浦  
招隱歌殘人未歸西風坐厭淮南雨

帶經堂集卷十一

帶經堂集卷十二

歙門人程哲校編

新城王士禎貽上

漁洋詩十二

辛丑稿

讀唐劉商秋夜聽巴童唱竹枝歌輒衍其意  
作四絕句傳之好事者

白鹽山下虎蹄新笠子蓑衣穩稱身  
朝見行雲暮行雨峽中三月杜鵑春  
綠蕪千里水連天雲裏依稀下峽船  
斷鴈冷猿齊淚落巴東何處有人煙  
儂家住處是三巴身寄秦關夢到家  
阿母縫衣今

又綻三年不見木棉花

雁鴻歲歲向南飛作底巴渝書信稀身是巴人甘  
楚俗每看鴈去一露衣

和吳淵穎題錢舜舉張麗華侍女汲井圖

景陽樓上鐘聲止結綺閣中美人起百花溼露啼  
宮鴉鹿盧曉汲銀河水黃奴慵起倚隱囊瓊枝壁  
月交輝光貴人夾坐詩先就狎客擘牋歡未央玉  
樹歌闌方競媚桃葉山前陳鐵騎青龍飛出建陽  
門羣鳥空呼奈何帝可憐拂檻曉粧時入井倉皇  
邴得知千載畫圖猶省識石欄紅淚黦胭脂

和吳淵穎題袁子仁巴船出峽圖

桃花夜泛三川水蜀中估船日千里錦官城外指  
東吳萬里行當自茲始金牛玉壘向天開朝雲突  
兀瞿唐堆飛流一瞬下萬仞長年屏息顏如灰峽  
中無人但煙霧杜宇聲悲客行處巴巫迎神歌竹  
枝忽見雲安郭邊樹上峽懸幢下安流東風吹送  
江陵舟却從一幅鵝溪上髣髴三刀夢益州

天寧寺

黃葉城東寺閒將坐具來談禪松子落留客竹園  
開幾日過休夏何年見渡杯相逢有都講初地一

徘徊

畫荔支

以下十六首為周櫟園司農題雜畫冊

愛道天南五月時側生作實正離離今宵畫裏分明見飽向楓亭擘荔支

江城雪景圖

曉寒生朔吹密雪覆江城水閣家家掩扁舟何處行

程端伯畫

憶向蟠螭山下過虎橋松畔暫停舟依稀光福雲中壩春雨新添上崦流

陳洪綬水仙竹二首

清泠池畔梁園種奈此生綃素影何更寫東阿舊時恨芝田館外見凌波

璫瓏疎影玉繽紛比似江梅迴不羣特向蒼梧分

一本淚痕斑處伴湘君

葉欣畫

秋山高不極草閣煙深處紅樹覆驚湍青松蔭枉路欲訪山中人前溪幾迴度

程端伯畫

琴中賀若誰能解詩裏淵明子細尋古木蒼山數

茅屋青溪遺老歲寒心

趙澄烟雨行旅圖

烟雨千山合行人何處歸前途望不極雲氣溼征衣

陳涉江畫

絕壁亭亭瀑布分諸峰欲雨氣氤氳遙看一片蒼茫裏惟有孤松和白雲

劉度仿李迪畫

清谿當谷口石徑入寒林晚向前峰去溪流應更深

樊圻畫二首

初地離人境千松繞寺門前山飛鳥處鐘磬自朝昏疑有豐干住繩牀虎跡存何時行脚去台宕息諸喧

蘆荻無花秋水長澹雲微雨似瀟湘鴈聲搖落孤舟遠何處青山是岳陽

葉欣畫

偶來獨立碧谿頭石磴茅亭白日幽風雨欲來山欲暝萬松陰裏颯寒流

施霖畫

二万九  
漁洋詩卷十二  
四  
叢篠陰中破竹廊四圍山色鬱蒼蒼道人閒即支  
牕坐坐愛青溪白日長

出峽圖

偶寫西陵路如聞三峽流亂山千萬疊何處是夔  
州

李妃瞻畫

君家涇水陽終南在當面紫閣與皇陂宛向圖中  
見

贈鶴歌與汪茗文

年來買得青田鶴飲啄蕭然傍官閣三疊琴中素

雪飛一聲夜半清霜落主人本自江海情對爾襟  
期放寥廓太湖隱者浮丘公忽乞籠歸伴寂寞高  
致寧謀鴈鴛餐新知況有丘樊樂寒雨橫江晚唳  
時相思應寄梁園作

送茗文歸蘇州

相逢草草去匆匆悵望南檣路幾重明發便看京  
口樹殘宵同惜廣陵鐘風前鴈影愁千里杖底梅  
花踏萬峰問評鄧侯無恙否曇西煙水擬相從

楊枝紫雲曲戲代其年二首

名園一樹綠楊枝眠起東風踠地垂憶向灞陵三

月見飛花如雪颭輕絲  
黃金屈膝玉交杯坐燼銀河葉上灰  
法曲只從天上得人間那識紫雲迴

催粧詩為祀瞻作二首

楊柳江潭曲絲絲劇可憐  
神人如洛浦公子本秦川  
夢緩銀篝裏春酥玉鏡前  
欲知雙意合常似博

山煙

儂住青溪岸新歡白石郎  
魂銷三閣曲水學九迴  
腸徐庾輕華體齊梁淺淡妝  
春來雙燕子先到莫愁堂

董公祠

董公祠廟已荒涼憑弔西京意  
倍傷漫以園陵勞主父祇將經術奉  
驕王時逢明主身空老志在春秋道  
正長我自愛傳繁露學玉杯曾問廣川鄉

歲暮懷人絕句三十二首

老去青溪丁繼之秦淮水閣照花枝  
曾同翦燭談天寶一夜吳霜點鬢絲

丁布衣眉

方今才子數平陽睥睨千秋不可當  
攜我衙齋一

雙鶴罷官長嘯洞庭旁

汪比部琬

昨日人傳潁川死不禁淚向汝南枯  
今朝雪苑逢

人說意氣依然向酒壚

聞劉比部體仁死近訪之彭君云今年秋見之歸德携妓豪飲如故也

忽夢鄔陵梁御史

熙

相逢似在大梁城談禪頌酒

猶能那側望中原無限情

南海翩翩程舍人

則可

乘輅東過惜湖濱新詩憶我

湖亭上歷下山川為汝新

乳山老人年九十龐眉訪我秣陵城神光人物晨

星在却遣前賢避後生

林翁古度在金陵窮甚年九十矣

風流文采推彭十

孫

宮體新詞徐庾前聞向金臺

蕉萃絕誰同碣石更談天

送汝玉山歸草堂焚魚學士太顛狂尊前莫話

先皇事灑向江湖淚萬行

葉編修方藹

哲兄擁傳太行東題詩萬字飛龍宮傳來奇氣動

江表不與時流粉黛同

家兄奉使山右有飛龍宮詩最奇

廣平申大今詞傑涵未識容顏眼便青遠寄新詩

向隋苑懷人偏在竹西亭

閩中奇士徐延壽欲向湘南賦卜居此去相逢紀

伯子道予問評今何如

映鍾

謝郎玉樹應非舊唐觀瓊花半已凋今日相逢如

夢寐禪牀歌板雨蕭蕭

丁景呂弘誨往贈予詩云風神欺玉樹逸興問瓊花今相見揚州如夢中

事耳



風塵憔悴趙黃門美進嶺表遷移役夢魂昨見端州

書一紙說詩真欲倒河源

日華宮址蔓寒煙雅樂消沉絕可憐今日李郎行

部去風流家世本秦川李杞瞻念慈

敬亭山色謝公樓春穀溪邊水閣幽忽憶朱幡江

上去潯陽九派不同流施參議閏章

西南諸國滇為大六詔新開棘道平應憶松江蓴

菜好却將老眼看昆明張友鴻一鵠

徃歲奢寅覆兵卒至今兵氣水西寒許生善病耽

高臥蠻府參軍道路難許竹隱虬

平山堂邊修禊日鳴壚洞畔把杯時南譙病客嶽

崎甚為我揮豪醉不辭吳編修國對

遺我閩詩鄭善夫憑凌騷雅謝枝梧荔支香色君

須說却擢霜蓬甓社湖榮洞門開歸自閩

籍籍蘭陵四才子陳黃鄒董各名家難忘雪夜吳

兒曲簷角寒梅正作花陳秀才維崧黃比部永鄒進士祇謨董秀才以寧昔夜雪同飲訂士

宅觀劇也

吾家給事北山曰高耽吟事西掖拋書夢白雲抗疏已凌

霄漢上況看彩筆更紛紜

許秘送窮邗水上方文抱甕冶城西雞籠山畔茶

村老杜濬零落才名灌藥畦

侍御平生左氏癖閉門日讀春秋經偶然按部西

江上詩滿廬山九疊屏傅彤臣展

平生師友古人心不似盱江風義深閒向白蓮尋

舊社門生籃輦過東林楊集虛日升為南康教授

鴛湖春至水波明遙憶美人千里情白袷風流誰

不羨一朝懷古漢王城曾道扶王孫

清泉芳樹任城水柳惲文詞世所知太息楊生今

宿草南池風景古今悲柳公隆燾楊聖宜通久楊沒踰年矣

花時曾過九龍山第二泉邊挹妙顏讀我新詩汲

泉水道鄉祠下古松間鄒流綺漪

余山山人不出山高情真與白雲閒當年入洛常

驚座說劍縱橫側目間吳布衣懋謙

焦獲奇人孫豹人蔚枝新詩雅健出風塵王弘不見

陶潛迹端木寧知原憲貧

吾家兄弟烏衣舊阿大中郎各擅名蹤跡飄蓬半

南北獨憐仲子汶陽耕叔兄子側南來仲兄禮吉在里中

九仙仙人丁野鶴挂冠仍作武夷遊齊名當日丘

靈鞠葬骨青山向幾秋丁惠安耀亢丘謂高要石常也

形水旁邊昔結廬七年骯髒困泥塗乾時戰處多

荒壘不用悲歌弔望諸

于回狂維世赤山覺世兄弟

寄答茗文吳中書二首

光福鎮前白鶴飛  
菴東崦西雨霏微  
舊遊正及梅花發  
憶爾漁陽桑葉稀  
三載漫求方朔米  
此行真息漢陰機  
烽煙滿地憂租稅  
石室金庭少是非  
夫君蟬蛻辭軒冕  
徑欲石公山下居  
秋晚洞庭收橘實  
月明震澤釣鱸魚  
直從角里尋真隱  
莫問明庭有薦書  
抗跡何妨五湖長  
由來名士半樵漁

送陳大其年歸宜興

雪霰毗陵道  
煙霞陽羨天  
山從洞庭起  
水與貢湖

連陳子青雲  
客巖居傍善卷  
那能乘白鶴  
及爾御風煙

送涓來侍讀歸楚二首

送君遊九華  
婀娜江帆起  
一聞秋浦猿  
淚滴池陽水

解纜銅陵江  
是向黃州路  
不見雪堂人  
江關邈煙樹

家兄奉使山右寄新詩至感懷

西望河汾秋氣繁  
寄詩猶及鴈南翻  
江淮水落思千里  
苦竹寒蘆何處村

千里冬日登海陵德香閣

檻外紅梅初吐萼千枝萬朶壓簷低淮南斜日登  
高閣目極寒蕪雪漲溪

詞菴言河北遇駿孫悵然有懷

三載夢鹽官相思寄蕙蘭何時過瓜步幾日向長  
安已慮山東盜仍愁薊北寒君門猶萬里嗟爾路  
塗難

懷夢沙

憶汝經年病稀看尺素來早梅逢鄧尉春草夢銅  
臺賦稅時方急風騷道未灰中原正戎馬能得幾

銜杯

頻歲

頻歲孫恩亂颿檣壓海頭傳烽連戍壘野哭聚沙  
洲司馬能清野天吳漸穩流江淮非異土飄泊汝  
何憂

淮陰雪夜

昨歲釣臺大風雪今來風雪又維舟枚皋里畔樹  
不辨淮陰祠前冰亂流俛仰古今可太息側身天  
地多煩憂苦聞渤海金笳動故國何因得散愁

蔣修撰述天台之遊

二方李四  
太史三茅隱朱顏薄世榮言尋沃洲路遙向赤霞  
城語識寒山妙詩同太白清石梁橫地底今夜夢  
經行

送岷瞻

隋堤攜手罷遙指甘泉山風物秋冬際清樽離別  
顏王程趨渤海故里夢潼關三輔神京近思君霄  
漢間

送徐存永歸閩攜家之湖南

舊家楓嶺外去住復何言海上田園失歸途雨雪  
繁家移建溪水人聽楚山猿未弔長沙傳知君已

斲魂

秦郵曲二首

孟湖蕭蕭風色秋神鴉競食嘯漁舟夜半湖心明  
月上還疑神女弄珠遊

今年孟冬河水乾萬夫畚鍤聚河干行河使者黃  
符下敢道無衣風雪寒

憶妙高臺寄崑崙子

憶送金山目東南梅雨開江山紛滿眼風日淨浮  
杯遺像尋坡老披襟上古臺塔鈴晴獨語懷想思  
悠哉

塔上一鈴獨自語明日風  
波當斷渡坡金山詩也

三万八十六  
寄竹林寺諸道人

瀟灑城南寺亭亭千竹林澗流殘雪積春氣遠江  
陰石壁牕中直梅花臘後深戴公山下路扶病憶  
登臨

葉訥菴自吳中寄予長歌兼示金山見憶之  
作醉後放歌奉答

昔者我登浮玉山大江駭浪流潺湲岷峨萬里在  
眼底荆門郢樹浮杯間彭城蘭陵一朝盡令我嘅  
歎愁心顏此時側望天北極漁陽莽蕩連雄關玉  
堂美人侍帝側兩年不見飛鴻翼海內憑誰論素

心夢裏思君見顏色蒼梧慘澹雲氣深九疑縣邈  
瀟湘陰重瞳南巡忽寂寞園花陵草俱霑襟聞道  
高陵變深谷即看碧海飛黃塵雲霄侍從幾人在  
飛蓬落葉愁春心夫子盛年何婉孌日夕含香玉  
皇殿衆中獻賦欲凌雲御前騎馬如飛電即今蕉  
萃百不如落拓江湖復相見吁嗟哉人生遇合亦  
偶然雄飛雌伏皆可憐不見東方曼倩號大隱金  
門據地歌向天又不見開元天子盛文藻隴西王  
孫稱謫仙調羹未罷夜郎謫至今青山采石垂千  
年君家況近崑山麓二陸臺邊結茅屋放鶴朝從

西鹿歸采蓴夜向南湖宿感遇終懷國士恩憂時  
莫效長沙哭三山圖畫一江分何日題詩共夕曛  
妙高臺上江如練南望姑蘇是白雲

帶經堂集卷十二

帶經堂集卷十三

歙門人程哲校編

新城王士禛貽上

漁洋詩十三

壬寅稿

雜題蕭尺木畫冊六首

旛影依稀選佛場白雲深處劇清涼迢迢澗水空  
花出寂窳寒山貝葉香

山城水郭蒼茫裏曲棧疎林遠近中太息歐湖老  
詩史直將勁筆壓關穉

笠簪沿溪踏亂流秋深蘆荻風颼颼若得五湖三  
畝宅便須隨汝釣槎頭

二五六  
漁洋言卷十三  
平生酒態愁中散，目送飛鴻坐竹林。閒向梅花彈一曲，落花亂點碧流深。

秋  
松有萬古色，瀑如三峽流。何人白雲裏，濯足對清

七里瀧。前江水迴圖中風，物使人哀如聞擊石歌。

朱鳥慟哭嚴陵舊釣臺。

謝皋羽西臺圖

題棧道飛雪圖送曾道扶之漢中

西指褒斜路，淒然送遠心。千峰盤雪棧，數騎出雲林。蜀道連天起，秦關入望深。今宵畫圖裏，如聽暝猿吟。

二月五日淮陰作

二月五日春已半，淮南風物劇駸駸。麥苗亂茁垂楊岸，蝴蝶交飛花樹林。白羽徵兵吳會遠，黃巾掠地海堧深。何時戍罷狼烟淨，擊壤常從田父吟。

環溪觀玉蘭同朱秋厓陳冰壑

淮南二月好天氣，八寶城中春鳥鳴。溪閣客來尋舊約，辛夷花發值新晴。迴風雪霰當杯落，遲日雲霞拂檻生。杏葉柳枝俱髣髴，驚心袂袂逼清明。

送茗文之京二首

淼淼江湖春水生，淮南風景過清明。故人恰向愁



中至感激真從難後平竹外寒煙瓜步鎮花時細  
 雨廣陵城謝公埭下通宵語酒冷香殘十載情  
 潦倒徒成未拂衣疎狂真與世相違南徐載鶴橫  
 江去西磧看花壓帽歸此去故人京雒少莫教遠  
 道尺書稀嶺南程五如相問為道維摩減帶圍

載鶴

探梅皆予與茗文近事  
程五謂周量會元也

與茗文同舟至露筋祠下予之淮陰却送茗

文暫返揚州

參橫月落露筋祠午夜單衣共賦詩君反南行予  
 向北異時主客足相思

絕句

波遶雷塘一帶流至今水調怨揚州年來慣聽吳  
 娘曲暮雨蕭蕭水閣頭

寄陳伯璣金陵二首

左司寂寞襄陽遠陶謝千秋不可追江表羈人驚  
 坐客風流重見五言詩  
 東風作意吹楊柳綠到蕪城第幾橋欲折一枝寄  
 相憶隔江殘笛雨蕭蕭

贈蔣修撰

盧橘已垂實楊梅初滿林仙人一相訪樽酒話同

心天台煙霧遠華陽丘壑深平生山水意茲夕寄  
瑶琴

送周量歸南海

終古傷心地蕪城落日時西風正蕭瑟歸客欲何  
之獨折隋宮柳同吟謝朓詩珠江連貢水天末好  
相思

紅橋絕句二首

舟入紅橋路垂楊面面風銷魂一曲水終古傷隋  
宮

水榭迎新秋素舸自孤往漠漠柳絲飛時時落波

上

閔園曉起作

江城曉日上林壑如初沐庭戶闌無人茗香睡方  
足荷氣吹枕簟禽聲媚幽獨鳧鷖破溪白莓苔覆  
山綠淡坐欲忘言清風灑修竹

秋日題閔園水亭

南人習煙水結屋如舫居真州水木多城市通樵  
漁一溪納三江潮汐相盈虛茆亭碧谿上浦溆臨  
前除曉風斷蒲響夜露幽花舒孤雲散天末好鳥  
鳴午餘緬懷華林歎持此謝簪裾

真州絕句六首

揚州西去是真州河水青青江水流斜日估帆相  
次泊笛聲遙起暮江樓

白沙江頭春日時江花江草望參差行人記得曾  
遊地長板橋南舊酒旗

曉上江樓最上層去帆婀娜意難勝白沙亭下潮  
千尺直送離心到秣陵

江干多是釣人居柳陌菱塘一帶疎好是日斜風  
定後半江紅樹賣鱸魚

江鄉春事最堪憐寒食清明欲禁煙殘月曉風仙

掌路何人為弔柳屯田

柳耆卿墓在  
城西仙人掌

十三嬌女髮初齊解事春來夢大堤嫁與襄陽賈  
人子牕中學唱蹋銅蹄

招鶴行

淮南七月秋水時橫空何處凌霄姿離離烟嶠不  
可見江雲坐對空相思竹亭搖落鶴柴晚忍聽故  
侶鳴聲悲主人與爾義非淺緱山明月常追隨蕪  
城官閣無所有老梅修竹交橫枝六鶴迎秋警寒  
露昂然人立何參差有時援琴舞三疊落花寂寂  
吹涼颼臞骨自知違世用蓬萊方丈恆相期罽羅

徧地畏彈射嗟爾此去將安之  
鴛鴦鷺滿陂澤此曹與爾多  
然疑鶴兮歸來歲將暮白石蒼苔待

高步新秋揚子橋舟中

秋聲渡揚子一雨涼颼發秣陵  
暮潮歸瓜步殘鐘歇無事悲客心  
曠如久離別橫笛起宵闌孤篷見

微月奉和李侍郎讀水經注懷洞庭之作

楚望經時入宵冥岳陽樓上數峰青  
曾臨南極浮湘水坐對西風憶洞庭  
斑竹好從春後長落梅猶

向笛中聽新詩吟罷愁多少腸斷當年帝子靈

憶真州舊游有感

樓夢裏白沙洲茫茫始欲愁佳期不可見  
風雨上西樓

九日平山堂二首

昔曾游處景依稀第五泉邊舊路微  
日暮江城聞玉笛便無離恨已霑衣

九日登臨帝子家夕陽人影玉勾斜  
尊前莫話南朝事幾樹垂楊有暮鴉

題伯璣姬人小像五首

水晶簾下曉粧餘明鏡香奩映讀書不是琴心感  
消渴茂陵誰識病相如

廣陵秋色秣陵春江上青山畫裏人間却銀箏理  
禪板可知人月是前身

自在烏龍卧錦茵一枝桃竹淨無塵而今始信陳  
王賦曾向楊林邁洛神

黛螺幾斛藥奩隨浮渲新妝淺淡宜記得藁砧詩

句好晚晴山色斂眉時

末七字伯璣  
寄內語也

憐才真復可憐生紅燭當筵與目成最是後堂人  
靜後垂簾私語記卿卿

### 江東

江東人物舊難儔遺老飄零半白頭斑管題詩吳

祭酒梅村紅顏頽曲袁荊州韓菴太常縑素雲煙落烟客

宗伯文章江漢流牧齋徑欲相從破蕭瑟片颿高挂

五湖秋

張友鴻歸自雲南在京口寄予画卷自題詩

云別一山川氣候更迢迢萬里不勝情歸

來蕭瑟餘詩卷畫得煙霞記遠行覽之愴

然答以是詩

江南草綠蝴蝶飛遊子新自滇南歸滇南遙遙一

萬里遊子思歸夢江水前年送君廣陵城  
桃花落盡春潮生去年憶君在京口  
西津渡外千楊柳  
桃花又一時吾徒踪跡仍天涯  
何時共酌秦郵酒  
却話昆明畫裏詩

吳公臺懷古

大業那堪問長城  
怨有餘回頭成一笑  
三十六封書

長至後五日送家兄子側歸里

淮南凍雪一千里  
客子胡爲今日行  
吳楚漸傳春氣至  
金焦雙照大江明  
池塘春草愁中夢  
隴首秋

雲馬上生欲別并州幾回首  
親闈今在廣陵城

渡江泊京口閘下

京口煙波路茫茫  
集百端斜陽半江暝  
殘雪五州寒水向東吳  
去山從北固看候潮  
愁不寐轉覺夜漫漫

京口懷家兄子側

丁卯橋邊夜泊時  
估船燈火酒家旗  
不堪回首瓜洲笛  
江北江南繫所思

金山僧舍有以仿舫名者題一絕句

叢篁片石冷于秋  
檻外寒江深不流  
漁笛一聲天

二五五  
際起不知是舫是僧樓

將抵毗陵寄雲孫訐士文友

初罷丹陽酒天寒旅思驚  
暗潮黃歇浦殘雪呂蒙  
城水驛煙中飯山橋樹杪行  
作書報諸子傾倒極  
平生

青暘道中四首

畫舫煙中樹青山水上樓  
澄江風物好殘臘只如  
秋  
黛色橫天際蒼蒼秦望山  
東巡殊不返流恨此山  
間

修竹被晴川淪漣映空曲  
日夕雪初消人家在寒  
綠

門對青暘橋家近芙蓉湖  
與郎相憐惜為郎歌拔  
蒲

江陰何明府邀登君山二首

澄江山作郭郭外即江流  
共說君山秀蒼蒼江上  
浮微茫天水合蕭颯亂帆  
秋不見春申墓松聲迴  
暮愁

楚相何年邑淒涼此獨經  
棘門成宿草浮遠祇空  
亭上有亭名浮遠半壁收吳楚  
空江入杳冥却思洞庭上一

十二峰青

鄧簡討招飲梅園

暨陽城外路倚櫂數寒鴉何處吹橫笛江南雪後  
槎故人碧山隱招我問梅花更上花間閣香山數

點斜

數前上聲  
後去聲

梁溪西路曉叢

梁溪五湖口曉望亦悠哉翠嶂九峰合明流一鏡  
開潮連申浦去帆映錫山來好趁樵風便輕舟任  
溯洄

高橋曉望惠山却寄修遠留仙心甫流綺

清盥披衣起開簾見九峰煙深微辨樹潮落緩聞  
鐘秦塢望中近高流何處逢無能品泉水與爾跌  
長松

舟中望惠山口號

芙蓉江上迴飄鼓漁具蓑衣一夜還買得蜻蛉小  
如葉推篷看煞九龍山

毗陵道中寄珍示我建

歲晏江南客棲遲歎敝裘青山吳苑路紅樹晉陵  
舟幾處霜前雁誰家水上樓尺書知未達遙夜夢  
蘇州



三十一  
同楊西印副使蔡韶若秀才夜登觀音山眺  
曲阿後湖放歌

我昨南渡登金焦鯨魚跋浪生風濤更上君山俯  
震澤長江萬里窮秋毫五日探奇興不盡曲阿城  
畔來登高觀音山高高百丈星辰羅列捫層霄懸  
崖絕磴挂猿臂宗巒疊嶂森松毛山巔作亭瞰飛  
鳥湖光山色相週遭練湖一萬六千頃勢與江海  
爭迢遙淵注渟著古所歎滄桑磨滅非前朝風景  
不異謝郎死我來憑眺凌寒宵長嘯空山答山鬼  
驚飛鷗鶻求其曹滄波混茫接元氣有如盂水浮

堂坳馮夷擊鼓百靈集金支翠羽光飄搖是時月  
黑風怒號萬弩突射錢塘潮蛟龍鬣鱗時隱現靈  
胥慘澹天吳驕高麗長山互鉤帶六州一氣迴斗  
杓楊公蘄黃昔開府坐清江漢真人豪蔡生白晳  
美無度頗能飲酒歌離騷東吳菰蘆有君輩力鞭  
巨石驅神鼇練塘一勺好栖託結鄰未卜心空勞  
酒闌歌罷意惆悵煙江明日橫輕舸

潤州曉渡用皇甫冉萬歲樓韻却寄蔡芬

練湖分艇悵何依北渡迴看雲樹微白下西來潮  
正落丹陽南去雁還飛笛殘遠步新愁集酒醒江

關旅夢稀鐵甕城邊重懷古當年萬馬蹴重圍

白沙江上同訂士珍示不雕送別公敵

前年別燕市聞君欲往蘇門山今年渡京口逢君  
乃在金焦間吾曹踪跡定難測世上無人解胸臆  
為郎三月忽自罷著書萬卷誰能識君家林園清  
潁東眼中萬頃琉璃風譙南汜水一片地讀書射  
獵兼春冬白沙江頭北風作層冰如山雪初落吳  
歌楚舞且盡歡酒酣更上江深閣

別公敵後却寄二首

三年一相見相見還成別今夕滁陽人應夢鑿江

雪

江天一夜雪不辨孤村路時聞斷雁聲遙向江南  
去

作家書後戲題紙尾寄吏部西樵給事北山

兩兄

松菊廬荒徑未鉏雲霄地遠夢全疎橙黃橘綠好  
時節且向江南噉鰕魚

蓉江寄牧翁先生

芙蓉江上雨廉纖東望心知拂水巖共識文章千  
古事直教仙佛一身兼夜聞寒雪推篷笠春惜濃

二万五千  
花側帽簷兩到江南不相見少微空向老人占

題趙澄畫 以下十二首為櫟園司農題画冊

煙柳南朝寺風花建業城年年春盡日玉笛喚愁生

鑿江舟中雪霽月出即事題鄒喆画

拂曉春寒重揚帆急霰侵月明生水際積雪滿空林岸火推篷近漁菴閉戶深平生剡溪興茲夕是山陰

陳洪綬梅

鄧尉山中千萬樹老蓮筆底兩三枝孤檠坐對鑿

江夜夢到銅坑雪霽時

葛一龍枇杷

洞庭詩人葛震父画成盧橘亦清蒼想他縹緲峰頭坐快寫西林五月黃

葉欣畫

雞犬桑麻如上世山青水碧自成村桃花萬點春三月時有東風為掃門

亾名氏畫

蘆花蕭蕭山氣陰橫笛吹作蒼龍吟一聲入破鐵皆裂舉世無人知我心

項聖謨雪景

西湖上日鶯花好特寫荒寒一片山知有何人耽  
寂寞雲林煙雪有無間

三 暉香山千巖競秀圖

萬壑千巖雲霧生曹娥江外幾峰晴分明乞與樵  
風便身向山陰道上行

馬士英畫

秦淮往事已如斯斷素流傳自阿誰比似南朝諸  
狎客何如江令擘箋時

葉榮木離宮秋曉

翠華寂寂罷宸遊苑樹聲淒碧水流一片敗荷千  
點葉靈波宮外不勝秋

楊補畫

布衣曾說楊無補筆墨風流自一時留得永嘉遺  
蹟在殘山剩水也堪思

寒林獨釣圖

江湖敲枕夢風雪折竹斲橋人不行簞箬在船蓑  
在背漁洋山下足吾生

帶經堂集卷十三

帶經堂集卷十四

歙門人程哲校編

新城王士禎貽上

漁洋詩十四

癸卯稿

送葉子吉編修入都二首

憔悴江潭客

先皇侍從臣宮車一朝出三別帝城春自灑蒼梧  
淚行歌楚澤濱重來清切地憶奉屬車塵

論文三載事回首若流波吳會故人遠楚江風浪  
多垂楊拂征蓋宮樹待鳴珂後夜遙相憶悠悠關  
復河

方爾止言虞山先生近撰吾炙集謬及鄙作

因寄二首

不薄今人愛古人龍門登處最嶙峋山中柯爛蓬  
萊淺又見先生製作新

白首文章老鉅公未遺許友八閩風如何百代掄

騷雅也許憐才到阿蒙先生寓書云偶愛許友詩因仿  
篋中集例為此書許友八閩風

先生句也

送家兄禮吉歸濟南兼寄子側

謝公堤外夕陽樓樓下關河急暮流江浦碧雲孤  
鴈遠淮南水驛數蟬秋對牀雨夜還如昨罷酒人

稀始欲愁阿大 中郎會相憶竹西風露夢揚州

又絕句二首

龍山晴雪馬蹄長山翠湖雲罨画香好到旗亭寒  
貰酒雙鬟低按小秦王

錦秋湖邊稻花涼錦秋亭下鱸魚香垂虹秋色一  
千里秋到吳淞思故鄉

七夕後一日舟中作

昨夜銀河吹玉笙玩珠亭上月微明人逢七夕思  
千里雁去三湘第一聲蓮葉香殘過壁苑社竹枝歌  
斲望蕪城西風斜日粼粼水楚塞新秋倍愴情

喜聞家兄子側捷報

小日東堂和輞川打牕松雪故依然封湖過未知

名久愧著先鞭十二年

禎以順治辛卯舉鄉薦至  
今康熙癸卯十二年矣

九日與方爾止黃心甫鄒訐士盛珍示集平

山堂醉歌送方黃二子赴青州謁周司農

西風蕭蕭天雨霜秋高木落當重陽鷓鴣先鳴蕙

芳歇鴈門鴻雁來何方今我不樂出行邁西城近

對平山堂歐公風流已黃土舊遊寂寞風煙蒼喬

木修竹無復在荒蕪斷隴棲牛羊

原蘇到日已

陳蹟况復清淺論滄桑京江南望流湯湯北顧山

高枕鐵甕蕭公旌旆何飛揚雲龍直北雲茫茫彭

城戲馬啓高宴至今邊朔傳名章孤蓬驚沙振叢

薄袞螢蔓草纏雷塘從來王霸已如此牛山何必

霑衣裳與君並坐但鼓瑟醉倒聊復呼葛疆樽前

聚散况難必羽聲變徵何激昂明朝送汝望諸澤

欲趁桓公作急裝

如皋訪邵潛夫寄廬有贈

萬曆年中古逸民滄桑閱盡白頭新張蒼已老口

無齒杜甫還驚筆有神偕隱鹿門空往事五男粟

里只單身行歌帶索吟三樂好與榮期共卜鄰

無邵

三万四十三  
妻子年八十有三矣

戲效元遺山論詩絕句三十六首

附猶子  
浣注

巾角彈棊妙五官搔頭傳粉對邯鄲風流濁世佳  
公子復有才名壓建安

五字清晨登隴首羌無故實使人思定知妙不關  
文字已是千秋幼婦辭

青蓮才筆九州橫六代淫哇總廢聲白紵青山魂  
魄在一生低首謝宣城

挂席名山都未逢潯陽喜見香爐峰高情合受維  
摩詰浣筆為圖寫孟公

右丞愛襄陽挂席幾千里名山  
都未逢之句因為寫吟詩圖

杜家箋傳太紛拏虞趙諸賢盡守株苦為南華求

向郭前惟山谷後錢盧

牧齋有讀杜小箋  
德水有讀杜微言

漫郎生及開元日與世聲牙古性情誰嗣篋中冰

雪句谷音一卷獨錚錚

谷音杜清碧撰  
宋末逸民之作

風懷澄澹推韋柳佳處多從五字求解識無聲絃  
指妙柳州那得並蘇州

中興高步屬錢郎拈得維摩一瓣香不解雌黃高  
仲武長城何意貶文房

草堂樂府擅驚奇杜老哀時託興微元白張王皆  
古意不曾辛苦學如猗



京兆風情粉黛叢鬢絲晚惜落花風湖州箋記揚  
州夢綺語翻教詆白公

廣大居然太傅宜沙中金屑苦難披詩名流播雞

林遠獨媿文章替左司豈有文章替左司白  
公刺蘇州時詩也

獼祭曾驚博奧殫一篇錦瑟解人難千年毛鄭功

臣在猶有彌天釋道安琴川釋道  
源字石林

涪翁掉臂自清新未許傳衣躡後塵却笑兒孫媚

初祖強將配饗杜陵人山谷詩得未曾有宋人強以擬杜  
反來後世殫射要皆非文節知己

詩人一字苦冥搜論古應從象罔求不是臨川王

介甫誰知暝色赴春愁唐人晚渡伊水詩首句或作暝色  
起春愁王云若作起誰不能道邪

苦學昌黎未賞音偶思螺蛤見公心平生自負廬

山作才盡禪房花木深歐公欲倣常尉破山寺作一聯而  
不能坡云公厭芻豢反思螺蛤耶

林際春申語太顛園林半樹景幽偏豫章孤詣誰

能解不是曉人休浪傳山谷謂氣蒸雲夢澤波撼岳陽城不  
如雲中下蔡邑林際春申君疎影橫

斜水清淺暗香浮動月黃昏不如雪  
後園林才半樹水邊籬落忽橫枝也

鐵厓樂府氣淋漓淵穎歌行格儘奇耳食紛紛說

開寶幾人眼見宋元詩

李杜光芒萬丈長昌黎石鼓氣堂堂吳萊蘇軾登

廊廡緩步崆峒獨擅場

藐姑神人何大復致兼南雅更王風論交獨直江

西獄不獨文場角兩雄

三代而還盡好名文人從古善相輕君看少谷山

人死獨有平生王子衡海內談詩王子衡春風坐徧魯諸生鄭繼之詩也二公初不相識鄭死王

見此詩數千里入閩經紀其卷

正德何如天寶年寇侵三輔血成川鄭公變雅非

關杜聽直應須辨古賢昔人論鄭善夫詩以為時非天寶位靡拾遺譏其無病而呻故駁之

十載鈴山冰雪情青詞自媚可憐生彥回不作中

書死更遣匆匆唱渭城分宜早年詩有王韋之風貴後皆應制腐惡之作耳

接跡風人明月篇何郎妙悟本從天王楊盧駱當

時體莫逐刀圭誤後賢

翩翩安定四瓊枝司直司勳絕妙詞底事濟南高

月旦僅存水部數篇詩安定謂皇甫兄弟滄溟撰詩刪入選者子約一人耳

中州何李並登壇弘治文風競比肩詎識蘇門高

吏部嘯臺鸞鳳獨迢然

文章烟月語原卑一見空同迴自奇天馬行空脫

羈勒更憐譚藝是吾師鸚鵡五集所謂名句如文章江左家山玉烟月揚州樹樹花乃吳派之卑

者卑

詩好官卑碩九華梁鴻溪畔弔殘霞鍾嶸去後殷

璠死玉鹿風流自一家碩起綸號九華山人撰國雅所居惠山別墅曰玉鹿玄丘即鄒氏愚公谷

濟南文獻百年稀白雪樓空宿草菲未及尚書有

邊習猶傳林雨忽霑衣

邊司徒華泉先生仲子有詩一卷佳句云野風吹落帽林雨忽霑衣又云

薄暑不成雨夕陽開晚晴

楓落吳江妙入神思君流水是天真何因點竄澄

江練笑殺談詩謝茂秦

來禽夫子本神清香茗才華未讓兄徐庾文章建

安作悔教書法掩詩名

香茗賦鮑令暉作以擬馬邢卿慈淨

海雪畸人死抱琴朱絃疏越有遺音九疑淚竹娥

皇廟字字離騷屈宋心

鄭露南海人抱琴而死集名海雪詩多在瀟湘洞庭之間

澹雲微雨小姑祠菊秀蘭衰八月時記得朝鮮使

臣語果然東國解聲詩

明崇禎中朝鮮使臣過登州作

溪水碧于前渡日桃花紅是去年時江南腸斷何人會只有崔郎七字詩

曾聽巴渝里社詞三閭哀怨此中遺詩情合在空

舫峽冷鴈哀猿和竹枝

九歲詩名銅雀臺三年留滯楚江隈不如解唱黃

麈者新自王戎墓下來

白沙江上別家兄西樵赴金陵四首

相送方山頭躊躇罷歡宴回首十年中與君幾相

見風葉梁王園烟波揚子縣同此後夕心楓林暝

遙岸

少小為兄弟與君同一身泛泛萍梗合何殊行路  
人西風鴻雁影欲下楚江津忽復與君遠傷心難  
具陳

相逢纔一夕揮手復千里隋苑已銷魂誰堪別離  
此征人眼中淚流作建康水江水日東流離恨何  
時已

君從板渚來官河幾衰柳十月遵隋堤寒條垂馬  
首折此千萬絲勸君一杯酒赤岸帆開時秣陵人  
去後

再別家兄二首

雪後西津返照開憶君曾上妙高臺天涯那得分  
攜少同聽金山粥鼓來

嵩陽舊約十年情蹤跡如蓬各自驚今日楚江風  
雨裏只如飄泊在彭城

登金陵

庾家墓上獨澆酒江令宅邊同看花何處秋風正  
愁絕空江潮滿日西斜

登文游臺放歌

玻瓈江上謫仙人東來萬里辭峨岷熙寧元豐不  
得意翩然戲弄淮南春龍圖學士忤權要祥符宰

相餘王孫黃樓一賦軼屈宋無雙國士推導秦四  
 公相逢向淮海酒酣耳熱氣益振珠湖三十六陂  
 澤高臺下瞰何嶙峋錦繡詩篇照天地與臺光景  
 常鮮新雲煙過眼一飛鳥黃河曲注江東奔人民  
 城郭半遷改此臺屹立當湖濱惠州儋耳垂萬死  
 後生望古傷吟魂何人請籍元祐黨至今泚頽慚  
 安民豈知此臺好名字永絕狐鼠芟荆榛我來游  
 眺歲幾度溪毛明信古所敦遠帆如鳥樹如薺湖  
 光雲霧相摩吞嚴冬沆瀣但一氣大雪片片鋪龍  
 鱗酹公一語公莫嗔作詩一笑君應聞

未即坡公題  
太白像語

紀異行

景泰年中五月雪竹木摧枯麥苗竭如聞雙鶴語  
 堯年父老流傳尚能說前年辛丑夏雨霜真州災  
 告連丹陽壬寅七月海東嘯崇川化作鼃鼃鄉今  
 年雨雹殺禾稼雉皋民徙龍為殃

有龍見如皋境內  
挾巨艦飛空中

冬

十一月大雷電百蟲奮蟄難閉藏天心仁愛有深  
 意洪範何嘗諱災異江淮連歲困租庸請備他年  
 五行志

寄猶子浣

大令幼能方丈字聲名早與右軍爭吾家子弟誰

三才五  
漁洋言卷十四  
九  
矜咳千里時時念淨名

浣小字

### 過汜光湖懷古

嗚呼正德中嬖豎隳皇綱華容既遐謫劉謝咸高  
翔談笑誅刑餘臺閣資文襄逆濠睨神器弄兵下  
鄱陽勢異北平順跡同吳淞狂桓桓文成公將帥  
皆龍驤義旗出章貢狡童旋已亡如何萬乘尊南  
巡來建康羅綺照江水姝麗傾淮揚誰賡白雲謠  
載詠黃竹章茲湖兩駐蹕名因翠華長龍舸與鳳  
舳樂哉方未央膠舟古所戒遺恨憐昭王事往二  
百年寒波但菰蔣月暗津鼓急楓落漁燈涼緬懷

豫且歎弔古重悲傷至今秦陵樹松柏無斧斨

### 舟夜有感

移舟葭菼邊風水夜蕭然津鼓安宜市漁歌太府  
船長淮三歲路小雪欲寒天魚稻珠湖好何時乞  
數椽

### 送家兄太液赴宛陵

千里青山謝朓樓雙溪水色鏡中遊送客廣陵西  
向笑欲投箋記乞宣州

### 夜遇伯璣即別

聞君返西江崎嶇歲將暮不知秋浦歸復此吳陵

遇煙暝失漁村雪消數江樹怡悵聞荒雞別君立  
前渡

夢與唐祖命遊黃山

昨宵山中駕咫尺窮黃海夢裏軒轅臺迢迢復何  
在

至日懷申鳧盟兼寄張覆輿

晚雪融長至春風到廣羊有書來遠道知汝卧清  
漳久客諳吳語行歌憶楚狂如聞巖壑裏慢世得  
琴張

蘇門行寄公弼

劉生俠氣老不除腰間玉具纓曼湖目送飛鴻卧  
西省晝夢秋水思菰蒲掉頭一竿清潁尾琉璃萬  
頃堆西湖憶昨聽爾御風操山泉決溜松風呼黃  
鵠山頭一握手戴公往蹟今有無山中舊約息壤  
在相看一笑言非疎

舊在京師聽公弼彈御風操贈詩有與君更作他年約黃鵠山頭訪戴行

之句壬寅果相遇黃鵠山下此事甚奇

濤頭如山五馬渡酒酣夜別黃公

壚平山堂上望汝潁恨無好句追歐蘇昔與汪

琬

程可共槃礴看君寫作蘇門圖怪石槎枒樹蕭瑟

醉墨絕似雲林迂嘯臺鸞鳳儼在耳安知嵇阮非  
吾徒聞君近散萬金盡便衣掃塔辭妻孥山中有

鄰德不孤蘇門先生今大儒夏峰村邊看秋瀑雲  
中髣髴開精廬尋源采藥去不返空留鳥跡巖間  
書廣陵西望連孟諸倘逢樵叟一相評山中服食  
今何如

鑿江舟中與鄒大觀彭十題句有懷

紅葉秦谿路人歸屬暮秋春帆下胥浦子夜夢鹽  
州佳句吳楓冷

彭詩云霜  
信冷吳楓

寒江楚塞愁鄒陽回憶汝

三歎軫離憂

歲杪真州南郭憶與家兄別于此

東風嫋嫋百尺帆珠金沙上春欲酣行人旌節返

天北至今離緒縈東南舊曾別處好風景遠山插  
笏江拖藍行年三十重離別况復情同七不堪

太液兄家舊藏倪元鎮畫有題云蕭蕭風雨

麥秋寒把筆臨摹強自寬賴有□君相慰

藉松肪筍脯勸加餐此詩甚佳而雲林集

不載今年偶得松圓老人畫愛其風格不

減雲林因用其韻題于左方

輕螺如髻秀堪餐新柳微黃晚漲寬應有扁舟天  
上座鯨魚吹雪一江寒

方山道中二首



沙尾千竿竹青江一葉船春潮來建業暮雪淨長  
干箭筍初抽玉刀魚不計錢明朝沽酒去取醉冶  
城邊

前山白雲外繚繞一江橫漁舍參差見風帆自在  
行煙花憐故國湖海寄浮生洗盞船頭坐一聲沙  
鳥鳴

瓜步晚望

西日低銜瓜步鎮亂鴉飛去石帆山支頤獨眺江  
南岸龍虎銷沈悵等閑

癸卯除夕得林翁茂之金陵書適讀虞山先

生列朝詩選載新安吳非熊萬曆甲辰同  
翁遊武夷山詩計至今甲辰六十年矣感  
成一首附書為答

文獻今誰在先生古道存高眠數人代只似閱朝  
昏約我秦淮水新詩共討論幔亭追往蹟下界已  
曾孫

讀范德機到官詩可使文人有愧辭用其語

戲題一絕

可使文人有愧辭韓歐坡老是吾師四年只飲邗  
江水數卷圖書萬首詩

韓忠獻公歐蘇二  
文忠公皆守揚州



二万の十子  
漁洋言卷十五  
稍劔門關白頭鏡水江湖夢夜夜山南射虎還

秦郵雜詩八首

夾岸人家短竹籬鴨頭新綠雨如絲幾年寒食秦  
郵路拂面楊花被酒時

國士無雙秦少游堂堂坡老醉黃州高臺幾廢文

章在果是江湖萬古流時予方修文游臺成

露筋祠前水拍村平湖水暖生蘭蓀靈風斜日畫

旗卷時有神鴉歸廟門

濤聲東走海陵倉蛾子紛紛割據場三百年來陵

谷變居人猶是說張王張士誠元未據此

百年樂府說西樓更有南湖擅此州淮海以來二

三子不教鄴杜獨風流西樓王磐南湖張縱皆郵人

三十六湖如玦環青蘋風起白銀灣紅橋四百姑

蘇郡徑合移來著此間

前溪柳色碧沉沉醉寫新詞付阿音法曲淒涼鬢

絲改畫衣何處舊泥金

小桃初紅柳垂陰甓社湖中花水深鷓頭十五竹

枝曲不聽歌聲何處尋

茅山進香曲四首揚俗舟人歲以三月進香茅山戲為作進香曲

家住茱萸灣復灣年年三月上茅山白沙江邊吹

笛去赤山湖上賽神還

遙指三峰次第青五雲深處擁雲軒  
猿啼日暮神靈雨知是茅君欲現形

雷平峰前雲氣開池中隱約起風雷  
何人戲取華陽劍真割乖龍左耳來

江淮兒女愛孤篷水宿烟餐西復東  
但祝茅君賜安穩年年不怕石尤風

治春絕句二十首

同林茂之前輩杜于皇孫豹人張祖望  
程穆倩孫無言許力臣師六修楔紅橋

酒間賦

治春詩

今年東風太狡獪弄晴作雨遣春來  
江梅一夜落

紅雪便有夭桃無數開

野外桃花紅近人穠華簇簇照青春  
一枝低亞隋皇墓且可當杯酒入脣

紅橋飛跨水當中一字闌干九曲紅  
日午畫船橋下過衣香人影太怱怱

東家蝴蝶作團飛西家流鶯聲不稀  
白苧新裁如雪色潛來花下試春衣

揚州少年臂支紅桃花馬上柘枝弓  
風前雉雓雕翎響走馬春郊如卷蓬

錦帆何日到天涯宮監來時事可嗟  
幾處淒涼作

魚羊詩卷十五

三

寒食酒痕狼籍玉勾斜

三月韶光畫不成尋春步屨可憐生青蕪不見隋

宮殿一種垂楊萬古情

聶公三過平山下白髮門生感故知欲覓醉翁呼

不起碧虛樓閣草離離

東風花事到江城早有人家喚賣錫他日相思忘

不得平山堂下五清明

坐上同矜作達名留犁風動酒鱗生江南無限青

山好便與諸君荷鋤行

海棠一樹澹胭脂開時不讓錦城姿花前痛飲情

難盡歸臥屏山看折枝

筇杖方袍老謫仙威儀猶復見前賢蓬萊三度揚

塵後坐閱春光九十年謂林翁

當年鐵礮壓城開折戟沈沙長野苔梅花嶺畔青

青草閒送游人騎馬回

錢唐張聶詩絕倫祖望雍州孫郎筆有神豹人雲間洛

下齊名士許力臣師六兄弟白嶽黃山兩逸民程穆倩孫無言

杜陵老叟窮可憐猶能斗酒詩百篇今朝何處壚

頭臥知有人家送酒錢于皇有約不至

彭澤豪華久黃土梁溪歌舞散寒烟張御史達泉彭澤人鄒副使愚谷梁

谿人林翁酒間述少見二家聲伎豪侈之樂今俱衰歇矣

生前行樂猶如此何處看春

不可憐

華林馬射事成塵遺老漂零折角巾

庚開府有三月三日華林馬射賦林翁家

華林園側故云袂褰洛濱名士盡却來江左看餘春

寂寥園林花覆苔停橈休遣櫂歌催桃蘇髻子新

梳掠三五池亭鬪草來

故國風流在眼前雒山寒食泰和年

元遺山濟南詩句

邗溝

未似明湖好名士軒頭碧漲天

時祖望談吾郡山水之勝名士軒在明湖曾子固守郡時

所作

永和之歲暮春月王謝風流見典型好記甲辰布

衣飲竹西亭子是蘭亭

陸放翁心太平菴硯歌為畢刺史賦

娥媚散花峽艱危道士磯放翁過此留清辭何年

片石墮瀟沅龍堂荒忽蟠蛟螭先生當年西入蜀

迎風十丈搴黃旗下牢夔門波浪惡白鹽赤甲天

下奇轉入興元瞰河渭山南射虎黃雲垂大散關

頭見烽火賦詩草檄如星馳此硯爾時伴戎幕賢

於十萬熊羆師鶯花海中九年住春江醉卷千坡

璿錦官城裏蘋風閣百觴萬首爭淋漓此硯爾時

廁高讌飽霜千兔相追飛先生老矣竟東下鏡湖

支枕看風漪但餘此硯共幽獨猶能起賦從軍詩  
紹興淳熙一片石流傳異代誰使之曾窮梁益掠  
吳楚放翁金崖硯銘中語吾曹想像空嗟咨畢侯家近黌堂側  
草生書帶紛葳蕤劍南一卷不離手興來春日吟  
茅茨攜渠歸去坐懷古定有雲霞生墨池

送孫無言歸黃山四首

昨夢黃山碧溪月白雲三十六峰深朝來却送滄  
洲逸興發還為吳會吟  
未能采藥入青城且傍浮丘畢此生知君西渡松  
明水已有羣仙抗手迎

硃砂湯口三千頃石筍凌空一萬株更問黃山奇  
絕處天都瀑布勝匡廬

廣陵市上賈人子衮衮錢刀劇可憐怪爾山中紫  
芝客閉門高枕夢游仙

春杪登平山堂眺江南山

鱖魚出水浪花圓北固樓前四月天却憶戴顓山  
戶裏櫻桃風急打琴絃

送彭十駿孫游嶺南二首

白舫青簾好賦詩石羊關外極天涯一江新綠看  
榕葉七月輕紅擘荔支霸業銷沉餘舊壘戰場蕭

三  
萬  
二  
風拂殘碑投詩莫弔降王長試向高涼酌洗祠  
南方草木狀難陳為待彭郎賦筆新紫棧熟時蠻  
峒喜紅蕉花後穗城春晴江孔雀驕憐尾嶺樹楓  
香老化人若聽鷓鴣行不得越王臺上定霑巾

再送彭十二首

大姑彎彎眉黛長小姑窈窕宮亭粧三日潯陽風  
信到雙姑早晚嫁彭郎

萬里南荒弔尉佗芭蕉林裏越禽多好將延露新  
翻曲乞與珠娘蹋臂歌

廣霞山人御風圖歌為余澹心作

我聞廣霞山迢迢凌玉清相傳九日之所出上真  
五老司晦明山人何人乃居此手排閭闔誅上征  
蜺旌雲旗導先後豐隆列缺相逢迎天風逢逢起  
北海玉清之山竟何在山人偃蹇凌九霞笑指滄  
桑幾千載崑崙奴子頭虎毛捷如鷲鳥奔生獠眼  
中咫尺窮碧落六博方罫同遊遨朝晞博桑暮南  
巢萬年遊戲同松喬山人本自松喬匹畫師亦自  
長康筆何時林屋探金庭與汝逍遙散愁疾

真州作二首

鱖魚風送滿城郭鶯啄含桃紅玉圓苦筍莢芽相



三五  
映白一杯坐愛夕陽天  
曾道元暉繼阿章楚山入畫遠蒼蒼白沙江上分  
明見不少鵝溪萬丈長

古意

思婦盤中織錦文關山蕩子學從軍兩行銀雁低  
殘角萬里金河卷塞雲上計應憐秦氏掾元戎不  
羨竇家勳石州水調涼州曲夜夜空閨笛裏聞

真州有懷家兄西樵

依然山郭與江樓長夏蕭條只似秋十里香生芰  
荷水亂蟬聲送木蘭舟試尋戰壘連京口無數雲

山指石頭曾與坡公吟賞地對牀風雨戀真州

秦淮泛月宿青溪有寄三首

移船就明月鼓櫂泝淮流明月雲中出流光水上  
浮三更吹玉笛銀漢瀉涼秋長板橋頭柳誰家尚  
倚樓

江南秋月好況復青溪曲素月展金波溪光漱寒  
玉所思渺何許今夜宿華林莫問離人思清淮深  
復深

一宿青溪柵還悲張麗華黑頭江令宅亦作段侯  
家壘號韓擒虎商歌玉樹花都將東郭筆寫恨寄

天涯

故中山西園

上公邸第舊西園水石蕭然絕世喧無復秋蘭被  
長坂祇餘修竹映朱門蕭曹事業終歸盡江孔文  
章莫更論日暮風煙愁客思冶城南是謝公墩

臺城懷古二首

覆舟山畔古臺城故壘參差觸目驚蔓草縈烟野  
蕭瑟寒禽將子水縱橫紫雲黃鵠符終驗白馬青  
絲識又成千載華林宮館路清明時節野棠生  
傳檄風生南雍州蕭郎三十冠諸侯蘭陵家國偏

多故荆楚干戈且未休遺老空聞龍瀆語荒原都  
作雉媒秋可憐代景行師日水到青塘咽不流

登雞鳴寺

雞籠山上雞鳴寺紺宇凌霞鳥路長古埭尚傳齊  
武帝風流空憶竟陵王白門柳色殘秋雨玄武湖  
波澹夕陽下界銷沉陵谷異楓林十丈晚蒼蒼

雞鳴寺眺後湖二首

禁地傳清切依依白下城恩波連太液別苑起昆  
明湖亦號昆明池野水鳧鷗遠斜陽菡萏生不須搖落日陵  
谷已含情

魚鳥華林路渟泓復此湖三秋人易怨八代感何  
殊蕭寺寒聲急鍾陵返照孤塘蒲今已晚憔悴庾  
肩吾

山行至靈應觀憩烏龍潭上

斜陽下江渚曠望石城頭萬里長風至憑高聞遠  
流雲中辨檣櫓煙外識汀洲坐俯澄潭色還為永  
日留

烏龍潭

杖策陵岑椒空潭暫游目四山積空翠一水蕩寒  
渌秋色澹楊柳映波如膏沐輕飈悴菡萏散作迴  
塘綠潭南多隱居茅茨帶水木罌罍吹落花蠨蛸  
網新竹雲景翳林園鐘磬闕幽獨平生畏城市蓬  
藿思空谷儻遂一丘心詎羨八州督

題秦淮水榭

冰簟湖牀水上頭起看纖月映淮流三更入破誰  
家笛子夜聞歌何處樓澹澹星河耿斜照娟娟風  
露作新秋謝郎今夕思千里獨對金波咏四愁

卞公墓下作

松柏何蕭蕭云是卞公墓背踞冶城顛前臨大桁  
路緬昔永嘉時流人競南渡舉國扇清言作達相

三石州  
漁洋詩卷十五  
矜慕惟公執鄙吝巖巖如峰距一朝荒僮來旌飛  
歷陽樹取節慚王公種薤笑諸庾堂堂卞將軍授  
命青溪渡父子忠孝俱大節光國步快意溫平南  
屨及雷池戍一戰翦長鯨鐘簴仍如故握爪識忠  
貞死綏表風素英爽載雲旗陟降神靈雨咫尺素  
司徒異代同金鑄

題靈谷廢寺

爲愛蔣山山色好筍輿終日不逢人杖藜入寺花  
扶屐巖谷迎秋雨墊巾王舍城中荒草徧樂游原  
上野麋春誌公衣履今還在苑外悲風臥石麟

尋半山堂遺址

舒王歸臥後卜築蔣山邊騎驢衣埽塔來往定陵  
前空山無舊業敲澗但懷煙太息元豐事江城聞  
杜鵑

蕭思話彈琴石

宋代蕭常侍彈琴於此山清微汎松石逸響碧雲  
間我欲尋遺跡風流不可攀惟餘遠江水朝夕送  
潺湲

宿長干寺

支公邀我宿清夜開南軒龕燈照維摩跣趺寂無

言下簾啓北牖山夕煙景昏中夜微風作涼雨灑  
林園宿鳥稍驚起時聞嘉樹喧枕簟生夕涼鑪香  
歇微温勞生疲津梁聊息應對煩

雨入高座寺

山雨滴清曉山僧門未開六朝高座寺千仞雨花  
臺近壑流清梵長廊覆碧苔偶然問禪窟詎似鬪  
場來

瓦官寺

江色斜陽下來過古瓦官勇如驃騎少

阮思曠戲何驃  
騎卿勇邁終古

乃圖  
作佛癡似虎頭難梵響流空寂松聲覆殿寒逍遙

能解否試問道林看

鳳凰臺

青蓮高詠處但有野桐林不見三山色空傷六代  
心

六朝松石歌贈鄧簡討

壽陽太史好奇古邀我來觀六朝之松石不辭重  
墊一角巾此生當著幾兩屐入門大叫走欲顛袍  
笏淋漓狂太劇蟠根近連瓦官寺吹香正鄰虎頭  
宅蒼皮黛色摩青銅老幹膠枝拓金戟蕭梢上摩  
白日暗輪囷下瞰蒼煙積千年為鑿誰得見已有

脂香化靈珀石勢嶙峋不相讓元氣盤盤絕繩尺  
蒼苔剝盡元祐字石有温公題名劫火不受陳宮瓦陳叔寶三品石終

南太華若在眼咫尺壺中苦崩迫誰遣史書宋星  
隕將無神受秦鞭斥晦冥豈非鬼物庭風雨當防  
巨靈擘王謝衣冠失江左齊梁人代成今昔建康  
宮殿幾青燐此石此松閱朝夕一物亦荷皇天慈  
懷古茫茫百憂集擊琴欲罷且高吟謾謾寒風灑  
巾幘

答朱錫鬯過廣陵見懷之作時謁曹侍郎于

雲中

桃葉渡頭秋雨繁喜君書札到黃昏銀濤白馬來  
胥口破帽疲驢出鴈門江左清華惟汝在文章流  
別幾人存曹公橫槊懸相待共醉飛狐雪夜樽

金陵曉發

月落驃騎航潮生鎮西宅濛濛遠林樹煙景紛如  
積烟際下漁舟樹杪帶行客何處金陵思秋江葦  
花白

夜登觀音巖弘濟寺贈終南融道人

登臨建業暮鐘時楚客憑高一寄思森森寒潮孤  
鳥去冥冥微雨數帆遲遠江人語驚山鬼方丈燈

明叩導師借問龐眉老尊宿空山雨雪是前期

泊朱家嘴

纔聞弘濟鐘忽見方山樹白浪何茫茫寒蘆自相  
語旅客不成眠卧聽空江雨

帶經堂集卷十五

帶經堂集卷十六

歙門人程哲校編

新城王士禎貽上

漁洋詩十六 甲辰稿

陳生行戲送其年歸陽羨

陳生陳生爾既不能入淵斬長蛟又不能登山射  
猛虎復不能止賴作橫苦鄉里十載哦詩守環堵  
徒抱輪囷一片心藜藿鮭鮠相枝拄昨日渡江來  
今復渡江歸運租船上苦憔悴風高浪湧橫江磯  
朝來寄我新詞句明月無情蟬鬢去五湖歸去伴  
漁竿楓岸蘆汀不知處季鷹鱸膾思江東我亦年

三九〇五  
年歎轉蓬期汝扁舟同射鴨銅官山下竹枝弓

黃文在至自宛陵始得愚山辛丑湓口見懷

詩奉答

不知何處碧雲思水落巴丘雁到時黃木江前三

百字春陵心事杜陵詩愚山寄禪子嶺歌等數篇古雅  
悱惻元道州春陵行之遺也

送汪季角之宛陵

汪生開美度詩似謝元暉解道澄江練知音絕世

希陵陽秋色遠春穀晚鐘微相送揚州郭蕭蕭南

雁飛

寄懷許三竹隱思州

別君五載洞庭秋思逐飛蓬賦遠遊藥物時應防

瘴癘才名空是動邊州江山萬里摩圍閣雲樹三

春甲仗樓寄語黔安老居士好傳清咏化蠻謳

用韋寄全椒道士韻追贈全樹吳先生國器

全椒有五吳君其四皆進士高第仲獨山中學仙叔編修季給  
事兩君者皆與余交好順治庚子辛丑間嘗戲謂編修君當擬  
韋蘇州全樹道士詩寄贈忽忽忘之今康熙甲辰仙人已化  
去兩君皆官京師而予尚居淮南追憶曩昔之語遂成此篇

先生謝人世逍遙友園客時登雲外峰自掃峰頭

石山深不知晚采藥恒日夕興盡下山時杳杳麈

麈跡

懷伯璣南昌二首



三万七  
當代陳無已  
栖栖竟白頭  
三洲歸作客  
五字遠工  
愁溢浦風潮  
滿匡山木葉  
秋經年斷消息  
何事只  
淹留

公子秦川貴  
飄零感盛時  
田園非阮曲  
別業寄鳩  
茲擲拂名僧  
對吟詩  
小婦知秦淮  
舊風月  
衰柳幾  
行垂

將往金陵辟疆攜歌兒見過同坦菴先生于

皇邵村不雕文在小集作

天涯倦客此宵同  
銀燭湘簾五夜風  
殘月空堂弦  
拉雜早潮江岸唱  
玲瓏鶯花上日連  
秋社絲竹中

年感謝公明  
發白沙洲上  
櫂橘林楓葉  
雨濛濛

夜泊江口聞笛寄家兄四首

雲水正寥落  
笛聲何處生  
颯然秋思滿  
不覺有離  
情  
涼月閣邊水  
西風江上城  
何須武溪曲  
辛苦怨  
南征

揚子江頭月  
流光千里餘  
美人臨水別  
隔歲幾行  
書  
霜落吹羌笛  
煙深聞夜漁  
調高風籟寂  
流怨滿  
空虛

半夜蒼龍吟  
能傷楚客心  
離人歌水調  
清怨激楓  
林  
估舶不能發  
江波此夕深  
夜寒沙雁起  
縹緲竟

難尋

李暮天寶伎裂竹老龍驚此夜瓜洲渡風高白浪  
生精靈泣相語雲月皓將盈入破那能寐依依隴  
水清

江上讀韋詩作二首

彈琴向空江夜靜見江月水波正遙裔河漢坐超  
忽五絃泛波濤餘音散林樾沙邊鶴唳遠煙中人  
語歇何處楚山青孤帆遠將沒獨有韋郎詩依依  
伴清絕

嘒嘒水雲外肅肅沙禽飛焚香展瑶席風露霑人

衣幽懷感湘靈環珮雲中歸遠志希嵇阮近思慕  
陶韋

蕭尺木楚詞圖畫歌

大江秋老歌離騷江波瑟瑟風刁刁怪石龍從壓  
崩濤猩猩嘯雨悲猿猱楚纍一去二千載使我後  
死心勞忉齧桑敗盟西帝驕商於六百橫相要武  
關一入不復返章華臺殿生蓬蒿江潭憔悴子蘭  
怒蛾眉謠詠羌安逃長楸龍門望不見木蘭桂樹  
棲鴟梟騏驎不御愁跼跳荼菹薊縈糝申椒呵壁  
荒唐罷天問沅湘西逝魂難招蕭梁王孫筆侷僂

三万  
漁洋詩卷十六  
四  
攀挈願陸提僧繇丹黠粉黠寫此本墨花怒卷湘  
江潮湘君夫人降荒忽國殤山鬼來蕭颺青楓斑  
竹染啼血靈風神雨紛飄飄酒闌歌罷老蛟泣星  
辰迸落江天高

瓜步鎮渡

秣陵方悵望瓜步屢洄沿漁浦連江口歸潮落渚  
田風帆入空靄雲木秀通川一聽濯纓曲深知漁  
父賢

宿弘濟寺

名藍敞積翠遙夜開禪關山半聞清鐘夢覺心亦

閒飛雨灑江介流雲滿空山五載復投止塵勞慚  
昔顏

題弘濟寺方融道人壁

曾挈軍持伴領軍五年重訪鹿麋羣天花尚散空  
江雨龍氣仍蒸下界雲鉗拂不辭衝虎過梅檀常  
是逆風聞聽鐘又逐驚蓬去山木蒼蒼落日曛

渡江中流作

擊汰金陵岸溶溶曉氣分潮迴落沙嶼帆遠入江  
雲霽景中流見秋風天外聞時清餘戰壘重弔水  
犀軍

皇廠河道中二首

繫纜臨江滸沿洄復幾重沙鷗荷港雨水牴柳塘  
風潮汐時皆應烟波態不窮欲從詹尹卜來作祝  
雞翁

雲影稻畦浮清泉更曲流江鄉宜晚照水草入涼  
秋沙鳥飛還歇菱絲散復留漸臨瓜步岸花外幾  
漁舟

瓜步道上感成寄西樵先生

烏柏紅梨漸有霜雲山頽澹滿斜陽一行新雁滄  
江闊十里西風杜若香飽及朱儒臣朔死放來正

則子蘭狂與君南北愁俱老下澤何年返故鄉

寄其年

陳生湖海士搖落更相思成佛先靈運前身是總  
持窮途聊慢世曠代一稱詩太息銅官下迎寒葺  
舊茨

和西樵古風八首

祁射毀唐姑上官讒靈均直道不見容坎壈纏其  
身昔者魯仲尼虎兕悲在陳反琴兩柱間修樂忘  
苦辛至哉大聖言諸子皆幸人

幽蘭在深谷無人自芳菲過時不見采嚴霜將悴

三十九  
之何況當門忌鉏刈方見施藤蕪羅堂下苦桃列  
中達昔為王者香今同秋草萎

吳王登狙山羣狙皆避徙一狙獨委蛇伐巧搏捷  
矢再射巧有餘三射遂執死聰明適自煎何事矜  
僂詭所以顏不疑歸師董梧子

盜跖視伯夷誰為貪與廉步光語鉛刀誰為頓與  
鈗陵陽刑楚國墨翟突不黔貳負被桎梏胥靡亦  
髡鉗忍辱希仙人寵下師老聃

西登九折坂險徑極羊腸南顧三江流懸水千仞  
強豺虎嘯菁林顛顛來無方一為篋篋謠使我心

煩傷忠信錯吾軀可以涉呂梁

束髮好奇服遠遊慕神仙長佩何陸離岌岌切雲  
冠仁羿非凡流遊戲崑崙顛白日忽已晚中道成  
迤邐雄虺九其首跣踣當我前猛虎善嚙人不避  
豪與賢嗟哉不可遊歸歟問筵簞

側聞大荒中有山曰門戶曰醴復有綦繇連競相  
附我欲登此山捷徑窘恒步迴車長太息徘徊首  
東路

鄭季有孽子少小為人奴騎從平陽主給事建章  
居朝拜大將軍封侯詫鉗徒遂復還尚主賜第耀

通衢隴西老飛將素臂雄萬夫白首不得侯心折  
莫府書誰能對刀筆臨風自捐軀天道有如此千  
古同歎歎

枕上聞雁懷家兄二首

年來畏作寄兄詩吟不成聲萬淚垂信有車輪腹  
中轉誰憐石闕口銜悲絲絲夜雨傷神日寂寂高  
齋聽雁時午夜旁皇攬衣起附書一寄老坡知  
重陽風雨又漫漫揚子潮迴木葉殘問事經時稀  
北客思兄何日脫南冠黃楊巧厄偏逢閏松柏難  
彫且耐寒最苦魂飛湯火日淚痕持寄卯君看

九日送程五周量之京因寄家兄

嶺嶠頻聞未息兵故人相見喜還驚飄零舊侶今  
餘幾風雨重陽又送行身滯五年淮海路魂銷三  
別廣陵城憑君寄語東坡老淚盡連宵北雁聲

得朱修齡彭城書評家兄消息

忽見彭城使相思一寄聲逍遙堂後木知我此時  
情

召伯斗野亭懷古寄于皇

蘇公與少游葦  
老諸公賦詩地

斗野亭前望平楚依然遠碧水連空羣賢翰墨思  
元祐六代風流續謝公蟹舍蕭條楓柏外漁蠻烟

三五十二  
火荻蘆中詩成吟望無人會寫寄黃州杜水東于皇

詩馮將骨與青山誓  
老號詩人杜水東

舟中即目寄招西樵先生時初蒙  
恩宥

慚愧滄洲漁父賢枳花門巷枕清川翁孫竹向沙  
頭長子母鳧來舍後眠何氏弟兄今已老柏臺魂  
夢苦相牽須知菰米江東美待咏槎頭縮項鱖

過禪智寺

曾詠南風草木香顙公名與碧流長誰能更拾吹  
來句自聽鐘魚到上方

憶明湖

一曲明湖照眼明越羅吳縠翦裁輕煙巒濃澹山  
千疊荷芰扶疎水半城歷下亭中坐懷古水西橋  
畔卧吹笙鵲山寒食年年負那得樵風引櫂行

題豹人小像

絕磴長松不世情科頭箕踞一先生胸中磊塊無  
人語落落琴聲大蟹行

義羸行張行人鶴洲訟繫西曹以常所乘羸抵浦于人羸  
悲鳴不食一日墮其新主自逸歸家兄與張子同

患難目擊其事感之  
作義羸行予屬和焉

我聞名駒太乙生渥洼又聞皇人之馬歎玉沙汝  
羸品流不及此乃能與人同生復同死新主甲第

高峨峩黃金作埒白蜃珂舊主失勢困泥淖但有  
青蠅日相弔寧教困餓烏啄瘡不忍雕鞍繡轂交  
輝光吁嗟羸乎羸乎汝知免獨不見袁粲門生不  
如犬

題半山道人畫呈愚山

蘆荻沒寒煙空江正蕭槭何處扣舷人知是陵陽  
客

黃子久王叔明合作山水圖歌

附黃王二跋

有客示我七尺練云是黃王之合作粉墨駁蝕神  
淋漓巖谷高深氣盤礴長林巨壑來畏佳飛鳥流

雲去寥廓空堂白晝生風霆飛瀑千尋競噴薄老  
松撐突夜叉臂怪石縱橫鵝鸛啄澹如閒衲洗盃  
坐怒如將軍拔劍斫石稜松鬣若無路忽向青冥  
得樓閣峭壁無梯爰臂絕天外孤茅誰所縛將無  
洪谷與關種筆有琴心師賀若滿堂動色神悄然  
題字依稀辨黃鶴吳興清遠鷗波亭家法賢甥宛  
如昨意匠慘澹經營成范緩倪迂大張拓富春老  
人年九十煙雲供養窮三樂扁舟訪舊雪川來偶  
從縑素論丘壑為添樵徑羸髻旋遠峰一角空中  
落遠人無目樹無枝妙解通靈失糟粕吳興富春



四  
幾百年此意天然殊斧鑿山人癖如阮宣子蠟屐  
猶堪代芒屨惜無劉尹買山錢苦向畫圖耽寂寞  
此中三日容坐卧便擬拂衣永棲託明年借汝春  
晝閒梅老無花竹生籜

僕暇日為郡曹劉彥敬畫竹趣圖甫畢而一峰黃處士見過僕出此  
求印正處士以為可為添一遠山并樵迤天趣迴殊頓增深峻矣時  
省郎耿君督兵華亭索僕畫甚急思拙筆弱  
頃刻不能就因輟此奉獻吳興王蒙謹題

叔明公子文敏公之外孫也天姿神品其于翰墨深入晉唐至于  
鑒裁尤所精詣鷗波之宅相非子而誰邪至正壬辰冬口人公望拜

### 錦秋湖竹枝三首

鵝鴨城邊望不稀汀洲水長荻芽肥慕容事遠傷  
春目斜日金鷺接翅飛

錦湖水色勝湘湖雉尾萼羹玉不如持謝江南陸  
內史酪漿還得似渠無  
不論煙櫂與霜篷帆力真禁八面風北豸南鱸誰  
辨得憑君博物注魚蟲

### 白沙江上雪却寄家兄揚州

停舟揚子縣支枕夜寒侵人語烟初暝雞鳴雪漸  
深江天多曠望漁浦極楓林不見梅花閣煙波愁  
暮心

鑿江大雪歌寄家兄即用家兄敖陽雪中放

### 歌韻

三五  
夜聞感發曉瀼潏衝寒四顧江天朗雲氣欲壓揚  
子津濤頭直突仙人掌平生愛雪勝瓊貝況復橫  
江發奇賞朔風獵獵犯貂裘急霰霏霏灑烏榜大  
澤蛇龍避寒蟄高天鷗鷺盤空響江南羣山張畫  
屏玉笏嶙峋衰百丈隔江心馳茅山洞咫尺波濤  
絕來往遙憶茅家好兄弟驂鸞騎鶴三峰上學仙  
不能且學劍耳後風生致慨慷西郊大道接礪礪  
霹靂鳴弓穿宿莽玉躡神騶氣清峻金毛湖鷹颯  
蕭爽雄狐狡兔那得避雨血風毛灑原壤橫吹聲  
中歌競病據鞍盤稍真吾黨歸來一笑臥煙篷浙

浙江風吹五兩

真州北郭即目

同雲壓江城曉出真州郭郭外斑竹林風吹殘雪  
落

魏帝賦詩臺

在儀真  
北三里

城子山邊欲雪時賦詩臺畔起愁思五官只自臨  
江歎笑斂孫郎帳下兒

曉次盱眙用韋韻

宵征望烟火際曉投山驛漁市連浦橋風帆競朝  
夕山從淮楚青水下荆揚白誰識越鄉心栖栖廣

陵客

盱眙懷常尉建

昔賢矜拄笏偶寄一微官小邑如山塢高名薄建  
安夕鐘千澗靜春雪九峰寒一勺玻璃水懷人向

夜闌縣有玻璃泉

南將軍廟行在泗州南公齋雲乞師處

范陽戰鼓如轟雷東都已破潼關開山東大半為  
賊守常山平原安在哉睢陽獨遏江淮勢義激諸  
軍動天地時危戰苦陣雲深裂背不見官軍至誰  
歟健者南將軍包胥一哭通風雲抽矢誓仇氣慷

慨拔劍墮指忠輪困賀蘭未滅將軍死嗚呼南八

真男子中丞侍郎姚公閭也同日亡碧血爛斑照青史

淮山峨嵋淮水深廟門遙對青楓林行人下馬拜

秋色一曲淋鈴萬古心

蓮塘薄暮懷石步黃子

薄暮蓮塘驛山家正夕炊憶君殘雪外匹馬向鍾

離

戲贈虎兒兒子沆小字三歲能誦唐人詩數十首司勳兄與予戲為詩贈之

渠爺端合為詩窮喜汝吟詩繡襦中但得他年似

宗武老夫甘作杜陵翁

有憶

促疊蠻鼉漏滴壺紅鞞十隊舞氍毹狂夫閱盡南  
朝豔不抵西樓一斛珠

奉酬西樵先生閣夜聞鶴垂示之作

楚江煙鶴鳴風雪蕭蕭夜十載別離心相對寒燈

下

帶經堂集卷十六

淚  
架三

